

# INUIT ATAQATIGIIT

## Inatsisartuni



1. april 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

### **Naalackersuisunut apeqqut:**

- 1. Kalaallit Nunaata kujataata, kangiatalu sineriaata imartaani umiarsuarujussuaq anorersuartumi ajunaalerluni kalerrisaarissagaluarpat annaasiniarneq qanoq ingerlanneqassaneva ?**
- 2. Sakkutuut imarsiortut umiarsuaat ungasissumi inissisimappat, soorlu Nuummi avannarpasinnerusumiluunniit, annaasiniarneq qanoq takorloorneqarpa, soorlu umiarsuaq sukkasuumik immalluni nalunaassagaluarpat ?**
- 3. Nunatta kujataani helikopterit qassit inunnut annaasiniarnermi, tassalu helikopterimiit ningitsilluni qalluisinnaasut, qassit pigineqarpat?**
- 4. Nuna tamakkerlugu helikopterit qassit ningitsisaammik pillit pigineqarpat, taakkulu sumi inissisimappat?**
- 5. Annaasiniarneq ullut arlerlugit ingerlassappat, pilotit naammattut ningitsissutilerisinnaasut nunatsinni pigineqarpat?**
- 6. Qulaani imartani taaneqartuni, ajunaalertoqartuusaartitsilluni sungiusartoqarnikuuva, imaluunniit pilersaarusiortoqarpa ?**

(Inatsisartuni ilaasortaq Stine Egede, Inuit Ataqatigiit)

### **Tunggavilersuut**

Qanittumi tusagassiuutitigut malinnaavigaarput Norge-mi umiarsuaq 1000 sinnerlugu ilaasulik anorersuartumi motoriminik ajornartorsiulernini peqqutigalugu ajornartoornera.

Ukiuni kingullerni nunatta kujataani allaat aasaagaluartumi sakkortuumik anorersuartarnera misigisalernikuuvarput. Aasat tamakkiangikkaluarlugit.

Umiarsuarujussuit aammalu mikinerumaat amerliartortut nunatsinnut aqqusaartalernikuupput. Tamanna takornariaqarneq eqqarsaatigalugu ajortussaqanngivippoq, ilaatigut pujuliornerisigut mingutsitsinerat eqqaassanngikkaani.

Anorersuartumi Nunatta Kangiata sineriaatigoortilluni imaluunniit Nunatta isuata kujataatigoortilluni motoorimik ajutoornerup kinguneranik ajornartorsiulertillugu annaasiniartoqariataassagaluarpat Nunarput qanoq piareersimatiginersoq imaatigut silaannakkulluunniit annaasiniarnissamut.

Apeqqutitta ullut suliffiusut qulit qaangiutsinnagit akineqarnissaat kissaatigaara.